

SCRIPT OF MORNING GOJRI NEWS BULLETIN 5FEB 2025
1015HRS

مارننگ گوجری نیوز بولٹن 5 فروری 2025

یوہ آکاشوانی جموں ہے محمد اکرم تیں خبر سُنو۔

AMIT SHAH

مرکزی وزیر داخلہ امت شاہ نے گزشتہ روز جموں کشمیر مانہہ حفاظتی صورت حال گو جائیزو لیوجت پچھلا کُجھ عرصہ گے دوران دہشت گردی کہ کُج ایک واردات دیکھی گئی ہیں اس دوران فوج جموں کشمیر پولیس تے خوفیا ایجنسیاں گا اعلیٰ افسراں نے جناب شاہ نانہہ جموں کشمیر کی موجودہ صورت حال تے دہشت گرداں گے خلاف چلائی جارہی کاروائیاں بارے دسیوواضع رہ جے یا میٹنگ جنوبی کشمیر گا گلگام ضلع مانہہ دہشت گرداں کی طرفوں حملو کرگے ایک سابقہ فوجی جوان منظور احمد واگے نانہہ حلاکت تے اُس کی بیوی تے بھتیجی نانہہ زخمی کیا جان گے ایک دن بعد رکھی گئی تھی۔ جموں کشمیر گا لیفٹیننٹ گورنر منوج سنہا ڈی جی پی نلین پرہیات فوج غا سربراہ جنرل یوپیندر دیویدی تحت اعلیٰ فوجی پولیس تے سیول انتظامیہ افسراں اس میٹنگ مانہہ شامل تھامرکزی وزیر داخلہ اج نیم فوجی دستاں گا اعلیٰ افسراں نال حفاظت بارے ایک ہور جائیزو میٹنگ کی صدارت کرسکیں۔

CM OMAR ABDULLAH

وزیر اعلیٰ عمر عبداللہ جن گے کول خزانہ غو چارج وی ہے ۳ مارچ نانہہ شروع ہون آلا اسمبلی اجلاس مانہہ اپنو پہلو بجٹ پیش کریں گا اُنہاں نے فیصلو کیو ہے جے وے اس بارے اج توں ممبر قانون ساز اسمبلیاں تے جلع ترقیات کونسل چئیر پرسناں نال بجٹ توں پہلاں مشاورت کریں گا جناب عمر عبداللہ اج تے کل چارے اضلاں گا ایم ایل اے نال گل بات کریں گا وزیر اعلیٰ اج اننت ناگ بڈگام کٹھو عہ تے سانہہ اضلاں گا ایم ایل اے تے ڈی ڈی سی چئیر پرسناں گے نال اج گل بات کریں گا۔ تے اس طرح پالک وے بارہمولہ گلگام رامبن تے ادھمپور گا قانون سازاں نال گل بات کریں گا۔ میٹنگ گو مقصد بجٹ نانہہ مزید جامع تے شراکت دار بنانو ہے۔ تے نال ہی اُن گا اسمبلی حلقاں نانہہ ترجی الا شعباں غا کماں کی نشاندہی کرن واسطے اُن کی رائے حاصل کرنو ہے۔

MOTION OF THANKS

لوک سبھا نے پارلیمان گا دواں ایواناں گا مشترکہ اجلاس نال صدر جمہوریہ گا خطاب ور شکریمہ گی تحریک نانہ منظور کرلیو ہے وزیر اعظم نریندر مودی گا جواب گے بعد کل زبانی ووٹ نال تحریک نانہ منظور کرلیو ہے شکریمہ گی تحریک ور ایوان مانہ بھٹ گو جواب دیتا واں وزیر اعظم نے آئین مانہ درج اقدار نانہ مضبوط بنان واسطے اپنی حکومت غا غیر مسترل عزم نانہ آجاگر کیو ہے صدر جمہوریہ گا خطاب گو حوالو دیتا واں جس مانہ آئین گا ۵۷ سال مکمل ہون ور بحث کی گئی تھی جناب وزیر اعظم نے اس گل ور زور پایو کہ آئین گی دفعات گے علاوہ اس گے روح نانہ زندہ رکھنو چاہیے۔ تے کہیو جے ہم سب نانہ قانون گے نال کھڑو ہونو چاہیے وزیر اعظم نے کیو جے اُن گی حکومت نے غریب لوکاں گی فلاح وبہبود واسطے بہت سارہ اقدام کیا ہیں جس گا نتیجہ مانہ ۵۲ کروڑ لوکاں نانہ غربت تیں بار کڈیو گیو ہے۔ انہاں نے صدر جمہوریہ گا خطاب نانہ متاثر کُن قرار دتو۔ انہاں نے کہیو جے جموں کشمیر تے لداخ گا لوکاں نانہ دہایاں توں نا انسانی ہوربی تھی تے وے قانونی حقوق تے محروم رکھیو وہ تھو۔ پر ہون دفعہ ۳ سو ۰۷ نانہ منسوخ کرن توں بعد ان خطاب گا لوکاں نانہ وی حقوق حاصل وین گا جہیڑا ملک گا دیگر شہریاں نانہ حاصل ہیں۔

RAMBAN ANIMAL HUSBANDRY

رام بن مانہ محکمہ مال چوکھر نے دودھ تے مال چوکھر غی پیداوار نانہ بدھان واسطے مختلف اقدامات کر رہیو ہے۔ جامع زرعی ترقیاتی پروگرام غے تحت محکمہ مال چوکھر ضلع رام بن مانہ جدید تے پائیدار زرعی طریقاں نانہ فروغ دین واسطے حکومت غی کوششاں ور عمل کر رہیو ہے۔ ہائیڈروفونکس یعنی بغیر مٹی غے کاشت کرن غو طریقو ہے جس تیں چارہ غی پیداوار بدھن غی متوقع ہے جہیڑی مال چوکھر غی بہتر غذا نانہ یقینی بناوے تے کساناں غی آمدنی مانہ اضافو کرے۔ اس واسطے گل منصوبہ غی لاگت ۵ لکھ روپیہ ہے جس مانہ ڈائی لکھ روپیہ غی امدادی رقم شامل ہے۔ ایسا جدید زرعی طریقاں سنگ پائیدار تے پیداوار بہتر وین غا۔

CHIEF SECRETARY

چیف سیکرٹری اٹل ڈلو نے گزشتہ روز تمام شراکت داراں بشمول جموں گا سیاحت بارے کھیڈاریاں غے نال ایک خطہ غی سیاحت غی صلاحیت نانہ بہترین استعمال واسطے ان غی تجاویز حاصل کی جاسکیں خاص طور ور اس پس منظر مانہ تقریباً ۱ کروڑ یاتری شری ماتا ویشنو دیوی شرائین مانہ کٹرا آیا ہیں۔ اجلاس غے دوران چیف سیکرٹری نے ہوٹل غا مالکان ٹرانسپورٹراں تے دیگر سیاحت بارے کھیڈاریاں گا نمائنداں تیں یوہ پچھیو کہ ان یاتریاں نانہ اس شرائین تیں علاوہ خطہ مانہ موجود دیگر مزہبی یا سیاحتی مقامات غی طرف کس رہ متوجو کیو جاسکے چیف سیکرٹری نے مزید کہیو کہ حکومت اس مقصد غا حصول واسطے ہر قسم غی مدد فراہم کرے گی۔ انہاں نے کہیو ہر موسم واسطے ہر قسم غا منصوبہ تیار ہونو چاہیے جس تیں سیاحت مانہ باہدو ہو سکے۔

J&K WATERSHED

پردہان منتري كرشى سطانى يوجنا ۲ اشاريه حفر گا حصه گا طور ور واٹر شيڈ ترقيات گے
تحت قومى سطح بيدارى مهيم واٹر شيڈ گو افتتاح زراعت پيداوار ديه ترقى تے پنچائتى راج گا
وزير جاويد احمد دار اج ضلع كٹھوعه گا بيره نگر توں كريں گا. جديد ترين واٹر شيڈ ياتره وين
جموں كشمير گا ۴۲ سو كلو ميٹر سفر كرے گے تے اس دوران ۵ لكھ توں زياده رهاشياں تك
بيدارى پروگرام كميونتى سرگرمياں تے وركشاپ گے زريعه فائيدو پچاوه گى. تے ياه ياتره
ايك مارچ نانہ جموں مانہ اختتام پزير وه گى.
